

19. maj 2020

Qanoq iliorluni coronavirusip nunatta aningaasaqarneranut eqquinerllunera annikinnerpaamiitsinniarlugu nunatsinneersunik atuinerup annertunerpaamiitsissinnaanera pillugu apeqquteqaat aallaavigalugu oqallisissiaq.
(Siumup Inatsisartunut ilaasortaaitai)

Peqqinnissamut, suliniuteqarnissamut aningaasaqarnikkullu tunngasutigut qanoq ililluta Coronavirusimut nutaamut siammasissumik tunngavilersukkamik, qaffasissumillu periusissamik qulakkeerinninnissatsinnut oqallisissatut siunnersuut.
(Inatsisartunut ilaasortaq Tillie Martinussen, Suleqatigiissitsisut)

Siullermik erseqqissaatigissavarput apeqquteqaat aallaavigalugu oqallisissiat immikkoortut marluk, tassa imm. 95 Inatsisartunut ilaasortaq Tillie Martinussen, Suleqatigiissitsisut aammalu imm. 193 Siumup Inatsisartunut ilaasortaaitai sinnerlugit saqqummiunneqartoq ataatsimut Siumumiit imaattumik oqaaseqarfigissavagut.

Qularutissaanngilaq nunarsuaq tamakkerlugu oqattuarisaanermut ilannguppoq nualluussuup tuniluuttup Corona virus-ip tamatsinnut assigiinngitsutigut eqquerujussua. Nunarsuarmioqatigut aammalumi nunarput soorlu aningaasarsioarnikkut peqqissutsikkullu unammillerneqarujussuarpoq. Tamannalu tamatsinnut ataatsimoornissatsinnik pisussaaffiliivoq aammalu partiit akimorlugit suleqatigiinnikkut suliassaalluni. Eqqaamatigumi aammalu erseqqissaatigiuartigu Corona virus parteeqanngimmat, aammalu “akikitsumik” imminut iluaquserniarluni qineqqusaanermut atorniarneqassanngimmat. Inuiaat ataatsimoornissaat ikioqatigiinnissaat aammalu peqqissussaat sallerpaajutittuassagatsigu.

Siumumiik isumaqarpugut Naalakkersuisut pitsaasumik aammalumi upalungaarsimanermik suliaqartut, peqqinnissaqarfimmi sulisut, kattuffiit, kommuunillu tamarmik Corona virus pillugu innuttaasut toqqissisimanissaat anguniarlugu sulilluarsimasut annertuumillu qujassutissaqarfigigippat. Aammalu pinngitsoorumanngilagullu innuttaasut tamaasa uummammik pisumik qutsavigissallugit, pisortat innersuussutaannik malinnilluarsimmata. Ilissi pisuullusi nunatsinni coronap virus-ip siaruaassinnaaneruglua pinngitsoortikkassiuk.

Aammattaaq apeqquteqaat aallaavigalugu oqallinnissamik siunnersuuteqartut qujassuteqarfigiumavagut, taamaasiornikkut partiit tamatta suli annerusumik akuutinneqarnissatsinnik isummersoqataanissatsinnik, minnerunngitsumillu sutigullu pitsaanerulersinnaasorisatsinnik maani Inatsisartuni apuussaqaarsinnaanissatsinnut periarfissaqalersimmatigut.



Siumumiit isumaqarpugut Corona virus-ip nunatsinnut annertoorujussuarmik aningaasarsiornikkut eqquiner a eqqarsaatigalugu, assersuutigalugu KNR Radio nersualaartariaqartoq. Tassami KNR radio-kkut aammalu EPI tassa kallaallit nunaanni eqqumiitsuliornermik pinngorartitsisut, kalaallit nipilersortartut tapersorsorniarlugit annertuumik kalaallisuunik nipilersukkanik atuillattaanera arajutsisimanginnatsigu.

Tamatumap saniaigut suliffeqarfiit namminersortut arlallit aningaasaleeqataasimasut aamma qujassutisaqarfigeqaagu.

Siumumiillu ersarissumik unneqqarissumillu oqaatigissavarput Corona virus-ip aningaasarsiornikkut suliffeqarfippassuarnut aammalumi innuttaasunut eqquinerlorujussuarnernut atatillugu Naalackersuisut ikiorsiissutissatut aningaasat immikkoortissimasaat oqarta "kipparippallaamik" immaqaluunniit sukangavallaamik aqqiissuussisimanerat aqqiiviginiarlugu ataatsimiisitaliat susassaqtut aqutigalugit pitsanngorsaataasinnasut sulissutigigatsigit. Sinerissamiittut suliffeqarfiit namminersortorpassuit aammalumi innuttaasut inatsisartuni ilaasortanut apuussuutaat amerlanerpaat naammagisinnaasaanik aqqeeqataaffiginiarlugit sulinerit ingerlasariaqarput.

Tusagassiorfitsigut sammineqartut innuttaasullu aammalumi namminersortorpassuit oqariartuutaat tusaavagut. Soorlu angallannermut tunngasunik billetsinik aappaluttunik imaluunniit takuss billetsinik pisisimasut aqqiivigineqarnissaannik oqariartuuteqarnerat. Taamaammat Siumumiik nuannaarutigaarput Naalackersuisut tamakku tusaallugit Air Greenland suleqatigalugu maanna aqqiissuteqarnissanik suliaqarsimammat. Naalackersuisunullu kaammattuutigissavarput aqqiissutissat suli pitsaanerulertuaannarnissaat ugartornissaannut inatsisartuni partiit tamaasa aammalumi ataatsimiisitaliat qanimut suleqatigalugit tamakku aqqiiviginissaat sulissutigiuqqullugu.

Ilisimaneqartuut soorlu assersuutigalugu ukioq manna avannaata qimussersua ingerlanneqanngitsoorpoq. Tamatumap kingunerisaanik aammalumi peqatigiiffiit kattuffiillu allarpassuit assigalugit aningaasarpassuarnik annasaqarput. Siumumiillu isumaqarpugut taamaattut aqqiivigineqarnissaat pillugit piaarnerpaamik Naalackersuisut Air Greenland qanimut suleqatigalugu aqqiissutissamik suliaqaqullugit kaammattorpagut.

Tamatumap saniatigut aamma Naalackersuisut kaammattorumavagut KNAPK sinerissuatsinni aalisartut piniartullu coronap nalaani aningaasatigut eqqornerlunneqarsimanersut misissueqqullugit. Tamatumallu kingunerisaanik arlaatigut aqqiissutissaasinnaasunik suliaqaqullugit. Assersuutigalugu EU-miit aningaasarpassuit atorlugit nunatsinnut aningaasaliissutit matumani atorneqarsinnaanissaat ugartorneqarsinnaavoq. Taamaasiornikkut nunatta inuussutissarsiutaatat pingaarnerpaartaa aalisarneq eqqornerloqqunagu.

Aammali eqqaamassavarput suliffeqarfippassuit sinerissamiittut, sulisunut suliffeqarfinnullu ikiorsiinissamik periarfissaqalersimanerat (hjælpepakke) aqutigalugu tamakkiisumik iluaqutaasimangitsumik



oqariartortoqartarnera pillugu Naalackersuisut sakkortunerpaamik kaammattorumavagut, aporfii pillugit sinerissami suliffeqarfiit peqatigiiffii imaluunniit kattuffii aqqutigalugit tamakku aaqqiivigipallattariaqaraat. Taamatut oqariartuuteqarnitsinnut aamma peqqutaqataavoq § 37 nr. 64 2020-imeersoq aallaavigalugu Naalackersuisut akissuteqaatigisimasaat aallaavigalugu, sulii ikiorsiissutit annerusumik atorluarneqarsimannginnerat takusinnaagatsigu.

Siumumiit aamma kaammattuutigissavarput corona virus-ip sunniineranik inuutissarsiortut qanimut suleqatigalugit soorlu assersuutigalugu kommunit orninnerisigut paasissutissanik, ikiorsiissutissat sinaakkusiunneqarsimasut pillugit oqaloqatiginnillutillu sullinneqarnerannik pitsanngorsaasinnaanerit sulissutigeqqullugit.

Siumumiik nuannaarutigaarput Borgmesterit tamarmiusut siunnersuutininik saqqummiussaqaarnerat. Isumaqarpugullu Naalackersuisut isummat taamaattut mattussoreernagit, kisiannili siunnersuutit pitsaaqutitai maniguullutik naalaarlutillu tigusariaqaraat. Taamaammatt nuannaarutigeqaarput nutaarsiaassani takusinnaaleratsigu nunatta iluani angalanissat ingerlanneqartussanngornerat maanna takugatsigu.

Naggataatigulli Siumumiik partiit tamarluinnaasa suleqatiserivagut. Qineqqusaarnerni kisiat suleqatigiinnissaq oqaatigineqartarsinnaanngilaq, kisiannili timalimmik innuttaasunut takuttittariaqarparput suleqatigiinnissaalluta. Innuttaasut inatsisartut imminnut malersuunnissaat imaluunniit Naalackersuisunut ajortussarsiuinnarnissaat, imaluunniit immitsinnut tikkuartuunnissarput qularutiginnilara qinersisartut kissaatiginngikkaat, kisiannili aaqqiissutissat pillugit oqaloqatigiinnissarput kissaatiginerugaat – peqqinnissaq aammalu aningaasatigut ajutuunnginnissarput pillugu.

Nunat allat aningaasarsiornikkut eqqornerlorujussuarneqartitserput. Aamma tamanna nunatsinnut atuuttussaasoq tamatta takusinnaalereerparput. Taamaattumik tamatumap annernannginnerpaaffissaanut inissinnissaanut akisussaaffimmik tamatta tigusaqataasariaqarpugut. Aaliangigassat annernarsinnaasut akisussaasunuinnaq tunniunnissaat inissaminiingilaq, illuatungaaniilu ajunngissinnaasut tamaasa immitsinnuinnaq erfalasulisaarutiginnissaat kissaatiginanngeqaaq.

Taamatut Siumut sinnerlugu oqaaseqarluta oqallittoqarlunissaanik kissaateqarpugut.